

43

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B



玉海卷第五十一

凌儀王應麟伯厚甫

藝文

玉牒圖譜

哈佛大學漢和
圖書館珍藏印

周用中士真繫世漢晉用九卿典屬籍唐開成以
玉名牒與史冊並驅玉牒如帝紀而特詳於國書
最為嚴重漢有玉版圖籍

漢諸王世譜

後百官志宗正注胡廣曰又歲一治諸王世譜差序
秩第

晉志宗正統皇族宗人圖謀 隋志齊帝譜屬十卷
梁有齊梁帝譜四卷梁帝譜十三卷

唐宗正屬籍

舊史宗室傳高祖廣封宗室以威天下太宗即位因
舉宗正屬籍問侍臣曰遍封宗子於天下便乎右僕
射封德彝對曰兩漢已降唯帝子及親兄弟若踈遠
非有大功如周郇滕漢賈澤不得濫封所以別親踈
也先朝睦族一切封王非至公之道於是屬踈降
爵為郡公唯有功者數十人封王 世系表宗室四
十一房定著三十九房自定州刺史至惠宣太子

王牒圖譜

唐皇室新譜 又見上

志柳芳永泰新譜二十卷柳璟續譜十卷 見上 李衢

大唐皇室新譜一卷 睽 會要會昌六年十一月

禮官集議按神堯本紀及皇室圖譜開成四年正月

敕大理少卿李衢修撰皇后譜牒

後周武帝敕鮑宏修皇室譜分為帝緒踈屬賜姓三
篇

唐王牒

志皇唐王牒一百一十卷開成二年李衢林寶撰 舊

冊府元龜云三年四月癸丑進 舊史作一百五十五
卷屯田郎中李衢沔王府長史林寶等 開成元年

嘉祐清五年辰年 監生余天右

閏六月乙未召宗正卿李弘澤問圖譜對以自肅宗已來並未修續癸卯敕沔王府長史林寶同修七聖

王會要開成二年六月修王牒官屯田郎中李衢

等奏切以聖唐王牒與史冊並驅立號建名期於不

伏乞特創嘉名以光帝籍敕旨宜以皇唐王牒為

名宗正寺有知圖譜官一人修王牒官一人開成後

始置修王牒官一人志李匡文王牒行樓一卷崇文

目二卷書目一卷李正文編次唐室宗屬唐書摠

紀帝系二卷崇文

唐皇室維城錄 天潢源派譜

志唐皇室維城錄一卷崇文目同 李匡文天潢

王牒圖譜

源派譜一卷文記天官書成又皇孫郡王譜一卷元

和縣主譜一卷書皇孫郡王譜一卷唐宗正卿

李正文撰起高祖迄憲宗諸王封孫又元和縣主昭

穆譜一卷詔元和至開成三年所封五十九人

唐圖譜院

會要大中六年十二月宗正寺奏修圖譜官李弘簡

狀德明之後興聖已來宗祊有序昭穆無差請宗子

常參州縣官等各具始封建諸王及五代祖見在子

孫錄一家狀送圖譜院每房納於官家高慶昭穆尊

即送本寺奏可六典司封凡皇家五等親及諸親

三 宗正寺掌屬籍以別昭穆九廟之子孫其族五十有

至道修皇屬籍 咸平屬籍樓 新修屬籍

籍

太宗至道初詔刑部郎張洎史館修撰梁周翰編皇屬籍未成咸平初猶未備宗正卿趙安易請纂修命閣聽編纂又詔於宗正寺建屬籍樓以嚴奉之四年正月辛丑二十日修玉牒官趙安易宗正梁周翰上新修皇屬籍三十三卷周翰創意為之頗有倫貫一云二十一卷

詔

宗正寺續修

祥符皇宋玉牒 咸平宗正寺 玉牒殿屬

籍堂 祥符重建宗正寺 康定重修祖宗

玉牒 紹興玉牒所屬籍堂 累朝玉牒

祖簿 凡例 元豐宗正寺牒譜圖籍

皇朝修玉牒昉於至道其官掌帝籍玉牒及皇族昭

穆之序 牒本宗正之職 凡玉牒書以銷金花白羅紙

黃金軸銷金紅羅標帶複墨漆金飾匣紅錦裏金鎖

鑰 十年一進 神宗時詔為黃金鈿也后德始末附載卷

後 重天合 祥符六年 正月辛酉判宗正寺趙世

後 重天合 祥符六年 正月辛酉判宗正寺趙世

長可封等請於皇屬籍之上別崇懿號詔名皇宗王

又屬籍別錄一本藏於玉牒閣五月癸巳世長請以

宋三牒三先是咸平二年正月甲申徙宗正寺於延

和坊建樓以藏宗籍舊在闕前下祥符八年二月

乙卯詔鹽鐵副使段煒擇地營建徙于福善坊建殿

堂于寺九月庚午二十賜殿名曰玉牒殿堂曰屬籍

堂扶禧元年二月乙亥賜宗正玉牒十一月宗正卿趙安

仁請以聖祖降臨記并皇宗玉牒諸王屬籍自玉清

昭應宮移於堂殿內祕藏從之初命安仁重修玉牒

記奉安于昭應宮之齋殿趙安仁初梁周

置修玉牒官奏劉均夏疎楊億宋綬

翰創其制而未備安仁重加裁定景祐元年李淑請以編修院廳西

閣修纂玉牒康定元年四月庚子重修祖宗玉牒成

既而五月甲子玉牒所請自今歲一貼修十歲一編

錄送宗正寺以其副留中奏可熙寧三年六月玉牒

從編南渡有司失職盡弃江許紹興二年七月丁亥

宗正少卿李易請編次玉牒二十年二月九日始作

玉牒所以舊車輅二十六年閏十月二十七日御書

玉牒殿及殿門祖宗屬籍堂榜十一年十二月二十

玉牒所侍從一人兼修玉牒官宗正卿少成與修纂

二十九年八月二十三日詔玉牒所併入宗正寺不

置修玉牒檢討以少卿及丞

萬曆丁亥年

三母夫五二一

監生何士召刊

太祖玉牒

紹興二十七年四月己未沈該等上太

祖今上玉牒登進于垂拱殿藏玉牒殿

副本藏龍圖閣

太宗真宗玉牒

乾道三年林劭言太宗朝已成真

宗至欽宗七世未加一筆五月戊戌上太宗真宗玉

牒真宗四十卷淳熙元年十二月乙巳復進真宗

仁宗英宗玉牒

寶元二年十月甲子昉李淑上新

修皇帝玉牒二卷皇子籍一卷熙寧元年十一月癸

酉四日玉牒所上仁英二帝玉牒各四卷淳熙四年三

月己酉重進仁宗

五年十月戊戌七年四月丙戌又進仁宗十一月二十一日

進仁英玉牒先是七年四月三日進慶曆二年至皇佑三年二月十七日詔續修并修英神玉牒從王希呂

之言也

神宗哲宗玉牒

崇寧三年十月重修紹興七年汪

藻鮑延祖編哲宗玉牒上之淳熙五年八月十九日

宗正簿胡南逢言藻失紀事之體詔重修七年四月

丙戌上哲宗玉牒慶元三年二月五日進神宗八十

卷

徽宗欽宗玉牒

淳熙四年三月己酉進徽宗嘉泰

三年四月十七日又上一百二十卷開禧元年閏八

月二十四日上欽宗二十冊

并憲聖慈烈后聖德事迹十卷

高宗玉牒

紹興二十七年四月己未始進乾道六

年五月己未八進進庚申恭進九年九月六日又進本

丙申八月

孝宗玉牒 始進于乾道九年八月丙申淳熙四年

三月己酉又進于紹熙元年八月戊戌已亥三年十

二月壬寅并聖政會要癸卯恭進

光宗玉牒 四十卷進于慶元六年二月二十二日

又進于嘉定十三年五月

寧宗玉牒 嘉泰四年八月九日進五十卷嘉定六

年二月二十五日刊正辨誣之書上之嘉泰至淳祐

二年上寧宗玉牒

玉牒圖譜

玉牒祖簿 齋止二十一表本支不分世系難別政

和六年六月戊寅叶六許份請增廣編錄以命宗正

少卿問立額八年九月二十日籲以宣祖之後分三

祖編纂修至政和六年太祖下九十九表太宗下二

百六十九表魏王下一百四十八表詔付宗寺洗

伯師太該籲奏玉牒屬籍太祖下以德惟從世德承

亮徽分位公彥從之以

玉牒凡例 赦令御札聖旨親筆處分郊祀行幸大

臣拜罷試賢良大議論更革廢置大祥瑞災異戶口

增減官雖因事賞罰關治體者 紹興十二年奏

請九事一親祠天地宗廟一皇子出閣公主下降
宰臣除罷一巡狩行幸一大慶一臨軒冊后妃封
子一蕃國入貢一大賞罰一官雖小事係大體
定四年十月一日紀卯修玉牒章類等言玉牒體制
未定凡例乖牾蓋玉牒書一代大事視遷固帝紀而
元降格目內分十條若盡用帝紀之體則為太簡然
金牋寶匣藏於祕殿若泐襲宋牘之詞登之簡策似
不雅正至於事有當書而不書有細事而累書今欲
定體制開列某事當書某事不當書編成一冊定為
玉牒之凡例官吏遵為成式先後編集不至異同云

之事則自立言辭鋪叙本末隨事刪潤以為成
之

志修玉牒官以學士掌修玉牒序宗派紀族屬歲撰
宗子名以進元豐改制宗正卿少丞簿各一掌修
纂牒譜圖籍凡編年紀帝系歷教政令因革為玉牒
序同姓玉服之戚疏者為屬籍具官爵功罪宗婦
姓男女者為仙源類譜推其所自出列子孫名位者
為宗藩慶系錄故定世次支分派別而歸於本統者
為仙源積慶圖錄一歲牒譜籍十歲修纂以
進置大宗正司統皇族故長貳不專以國姓輕抑

朝兩成其增修故事屬籍三十年特四修
建炎三年四月 修中興紀事詳而綜敘

五輿圖三年六月辛未復置少卿

玉牒每朝為一牒載人主系序及歷年行事如帝紀

而差詳其後附以皇后事迹其親王宗室則有錄譜

圖三書詳焉玉牒奉安于本殿類譜等書安于屬籍

堂

祥符仙源積慶圖 天源錄 先天紀

祥符八年十月壬辰叶十五知制誥盛度上聖祖黃帝

天源錄五卷與詔王增纂殊乙巳叶十八樞密使王欽若

以聖祖事蹟十二卷請御製序名曰先天紀十二月

欽若又言所集天源錄於經史道藏諸子書中取其

事之本始續成二十卷忱年三月癸亥趙

安仁宗正言唐故事祖宗玉牒皆首載混元皇帝請

以御製聖祖降臨記冠于列聖玉牒及別修皇朝新

譜如唐天潢源派譜製為美名詔名曰仙源積慶圖

歲寫圖請御製序從之八年進積慶圖

修官紹興二十七年四月十五日詔修三祖下積慶

圖二十八年三月丁卯叶上之乾道三年五月戊戌

六上十八軸淳熙五年十月戊戌又進書目積慶

圖一卷紀帝系起僖祖迄哲宗凡諸王公主益號陵

圖

廟配侑樂舞等事皆載之

安仁重修玉牒屬籍圖皆統例精簡

祥符仙源類譜

兩朝志仙源類譜三十卷祥符八年建玉牒殿屬籍

堂于新寺趙安仁重修玉牒屬籍因上仙源積慶圖

歲寫一本藏龍圖閣明年又請御製降臨記冠玉牒

別修皇室新譜賜名仙源類譜二十卷景祐五年歲

寫皇族名位一編黃綾裝題宗藩慶緒錄與仙源積

慶圖同上並在有司一書且祖宗屬籍譜一卷紀帝

系太祖太宗素王以下子孫凡六百八人公

山原類譜一卷王鞏撰見下

慶曆仙源類譜

元祐元年正月戊戌玉牒官黃履奏修熙豐玉牒屬

籍類譜十月巳酉宗正丞王鞏奏宗正寺條例玉牒

十年一進修玉牒官以學士典領自熙寧中范鎮等

進玉牒之後神宗玉牒未修仙源類譜自慶曆八年

張方平進書之後慶曆三年七月壬午命張方平修玉牒補綴失亡為書數百卷

僅五十年並無成書請更立法玉牒二年一具草繳

進類譜亦如之十年類聚修纂從之二年五月修漢安懿王以下屬

籍宣和四年二月二十九日少卿趙子崧請纂紹興神哲兩朝帝系類譜九月書成命藏于玉牒殿

十二年六月十一日修玉牒楊愿請自宣祖後編修

九朝宗派二十七年四月己未二叶宰臣沈該上宣

祖太祖魏王下仙源類譜并玉牒等共三百七十六冊用黃麾細仗教坊樂前

導六月甲午先是修玉牒陳康伯言先修太祖今上官吏進秩

玉牒太祖今上皇后命氏之源三祖類譜五世昭穆

三月四日詔淳熙五年十月戊戌進第六世類譜有日登進

嘉定六年二月二十五日修玉牒臣之柔請進第

七世仙源類譜從之書目天源類譜一卷起僖祖

汧英宗以熙寧廟系圖附其後

熙寧宗藩慶系錄

紹興太祖慶系中

興聖統

熙寧二年一册元年叶六月十八日宗寺言每歲正

月一日裝寫仙源積慶圖宗藩慶緒錄阮祐六年已亥

紱綴慶送龍圖天章寶文閣如漢宗正今祖宗非祖

免親不賜名授官請定所修圖冊詔太常禮院詳定

禮官言聖王於其族上殺而殫於六世以明親疎之

異記其源流百世不紊以著世系之同親疎異則恩

禮不得不異世系同則圖籍不得不同系以姓而不

別綴以食而弗殊周道然也鄭元注系之以姓謂若

今宗室屬籍蓋據宗正歲上名籍又戶今皇宗祖廟

雖毀子孫皆於宗寺附籍歲送宗寺遠近之恩有差

正德二年... 而譜牒之紀不可不存况皇族授官之制不與匹庶
全法則屬雖疏而恩禮不絕請仍舊修入圖錄在外
者宗寺歲時取附籍從之 紹興五年六月丁巳
日宗寺上編修太祖慶系四冊八年續修十年閏六
月續修上之又搜訪慶緒錄及宗正錄二十五年五
月巳丑王牒所王曦等上皇帝中興聖統於景靈
館三月十八日奉安聖統于殿 淳熙元年十二月
乙巳時進三祖下五世慶系錄十三年十一月二
十一日一云又進嘉定十三年五月又進并憲聖
紹興八年五月六日崇宗愈上中興聖統

博采傳記序次詳明

元豐宗室世表

元豐四年八月二十七日趙彥若司馬光同修百官
公卿表十卷彥若又修成宗室世表三卷上之賜銀
幣 紹興三年六月二十三日太宗承謝俊請下州
縣索名籍修王牒或先為宗室世表後天下從之
楊傑作宗室世系表首著謚號名推爵德也屬次
之親親也子孫次之源深而流長也

熙寧二年十一月甲戌詔非袒免以下並罷賜名授

官而天支訓名皆無定制元祐七年九月甲午宗寺
建言於是聯名之制始定 屬籍諸王書以銷金白
綾紙銀軸紅錦標帶黑漆塗銀匣銀鑲鑰公侯以下
白綾紙牙軸它如諸王

漢有王子侯表唐有宗室世系表漢表止於王侯王
侯以降族裔不可得知唐表略於明皇明皇以後本
支不可得詳 慶仙源之遠則親親之誼不可忘
思祖烈之貽則繼繼之心不敢怠

紹興仙源慶系屬籍總要

紹興五年四月二十六日少卿范冲等修纂仙源慶

屬籍總要一太祖太宗一素王一聖祖一始生一

一宗女一宮院一官爵一壽考一慶慶十一月

辛宗上之類宗孫各緯進秩分八年十二月十七日

少卿張絢請續修從之十一年十月戊寅時三宗承

命大受言周官小宗伯掌三族辨親疏小宗之異繫世

禮昭穆漢唐以來建寺設官循古制也國朝宗寺舊

掌之書有四曰皇宗玉牒曰仙源積慶圖曰不藩慶

系錄曰宗文屬籍建炎南渡四書逸於江海比命蒐

訪闕遺重加修纂賜名總要合圖錄屬籍三者而一

之而玉牒獨闕詔哀次以備中興盛典從之

九年正月少卿鄭剛中言三京宗司所藏真舊書抵
極請新舊俱存從之十二年五月命起居舍人楊
愿兼修玉牒十一月丁未范雲為校書郎兼檢討
袁崇者華其業滑一氣相屬潤相滋也常祿之華鄂
不難辨體相親意相承也

典故 會要

古者朝廷之政發號施令百司奉之藏于官府各
脩其職守而弗忘周官御史掌治朝之法太史掌
萬民之約契然則百官庶府各藏其書六史之職

又摠而掌之漢時定律令制章程定儀法條流派
別制度漸廣

夏政典

書胤征政典曰先時者不及時者殺無赦注政典夏
后為政之典籍若周官六卿之治典先世謂曆象之
法四時節氣弦望晦朔先入時則罪死不赦不及謂
曆象後天時雖治其官苟有先後之差則無赦况廢
官乎疏胤侯夏之卿士引政典而不言古典則當時
之書禹有典有則周禮大宰建邦六典四曰政典
以平邦國正百官均萬民

殷冊書典籍

書多士惟殷先人有冊有典注殷先世有冊書典籍

康誥罰蔽殷彝注用殷家常法謂典刑故事

晉

語陽人有夏商之嗣典

周六典

周禮大宰掌建邦之六典治教禮政刑事乃施典于

邦國小宰掌邦之六典之貳司書掌邦之六典

大史掌邦之六典

周政周法

漢志儒家周政六篇周時法度政教周法九篇法天

典故

地立百官河間周制十八篇河間獻王所述

魯象魏舊章魯故事晉故府周記

府象魏制

左傳哀三年夏五月辛卯司鐸火火踰公宮季孫至

御公立於象魏之外命藏象魏曰舊章不可忘也注

周禮正月垂教治之法于象魏使萬民觀之故謂其

書為象魏晉士伯曰吾視諸故府禮記檀弓夫魯

有初注初謂故事也禮運仲尼出游於觀之上注

象魏舊章之處周語樊穆仲曰魯侯賦事行刑必

問於遺訓而咨於故實史世家史記蒙恬傳成王

觀於記府得周公旦書陳肅慎氏矢求之故府果得之
晉志熊遠奏周建象魏之制漢創畫一之法劉
頌上疏夏殷及周書法象魏
魯語非故也
注云故事也

楚故志 訓典

楚語莊王使士亶傳太子歲問於申叔時叔時曰教

之故志使知廢興而戒懼焉
注故志所記前代成敗之書
教之訓

典使知族類行此義焉
訓典五帝之書也又王孫圉曰左史倚相能道訓典以叙

百物以朝夕獻善敗于寡君寡君無志先王之業
戰國策楚蒙穀負雞次

之典蒙穀獻典五官得法趙牛贊諫曰國有固籍兵

有常經
左傳為教為宰擇楚國之令典玉子辨奉

典故

周之典籍以本楚
呂氏春秋荆王發平府而視故

記
文選王節卿云擇方城之全典酌龜蒙之故實

注方城楚也龜蒙魯也

漢故事詔書

魏相傳官帝始親萬機而相揔領眾職甚稱上意好

觀漢故事及便宜章奏以為古今異制
元康中
方今務

在奉行故事而已數條漢興以來國家便宜行事及

賢臣賈誼晁錯董仲舒所言奏請施行之曰竊伏觀

先帝
孝昭帝
聖德仁恩之厚勤勞天下垂意黎庶憂水

旱之災為民貧窮發倉廩振乏餒遣諫大夫博士循

行天下察風俗舉賢良平冤獄冠蓋交道省諸用寬租賦弛山澤陂池禁秣馬酤酒貯積所以周急繼困慰安元元便利百姓之道甚備相不能悉陳昧死奏故事詔書凡二十三事見詔令上施行其策相又奏天子之義必純取法天地而觀於先聖高皇帝所述書天子所服第八注如淳曰第八天子衣服之制也於施行詔書第八表地節三年六月魏相代韋賢為相封高平侯列傳朱博曰故事封丞相不滿千戶孔光為尚書觀故事品式數歲明習漢制及法令弘恭習法令故事一史外戚世家褚先生曰臣為郎時問習漢家故事者

陸澄曰周稱舊章漢言故事

漢家故事常以列侯尚主

漢孝文故事

章紀永平十八年冬十二月癸巳有司奏言宜尊孝明帝廟曰顯宗進武德舞如孝文皇帝祫祭高廟故事晁錯傳為太常掌故注應劭曰掌故六百石吏主故事

漢武帝故事

郊祀志宣帝脩武帝故事盛車服敬齊祠之禮頗作歌詩列傳何武宣帝時王褒作中和樂職宣布詩武共習歌之宣帝循武帝故事求通達茂異士召見

武等於宣室 王吉宣帝頗修武帝故事宮室衣服

盛於昭帝時 王褒宣帝時修武帝故事講論六藝

群書褒待詔金馬門 劉向宣帝循武帝故事詔選

名儒俊材置左右更生以通達能屬文辭與王褒等

進對 張放鴻嘉中上欲遵武帝故事與近臣游宴

後竇固傳明帝欲遵武帝故事擊匈奴通西域以

固明習邊事 祭祀志建武三十二年求元封時封

禪故事 唐志漢武帝故事二卷 隋志同 崇文目

五卷班固撰本題二篇今世誤析為五篇 書目五

卷雜記武帝舊事及神恠之說末畧載宣帝事 通

典故

錫考異漢武故事後人為之托班固名語多誕妄非

固書也 漢書職事二卷一世言班固撰唐張柬之

尚書先發副封故事也魏相白去之歲漕關東穀四

百萬斛故事也壽昌奏者焉

漢建武永平故事 舊制

列傳侯霸建武四年拜尚書令時無故與朝廷又少

奮臣霸明習故事收錄遺文條奏前世善政法度有

益於時者皆施行之每春下寬大之詔奉四方之令

皆霸所建也 張純在朝歷世明習故事前時

事 建武初舊章多闕每有疑議輒以訪純自郊廟

事 建武初舊章多闕每有疑議輒以訪純自郊廟

昏冠喪紀禮儀多所正定六年 漢舊儀 郭賀建

武中為尚書令在職六年曉習故事陳龍初為尚書

是時承永平故事吏政尚嚴切尚書決事率近於重

子忠建光中尚書令去矣光武絕告寧之典宜復建武

故事忠上疏云云宣和紀明帝遵奉建武制度無敢

違者後宮之家不得封侯與政論曰明帝善刑理法

令分明日晏坐朝幽必違內外無倖曲之私在上

無務大之色斷獄得法用號居前代十二故後之言事

者莫不先建武永平之政順帝永建四年二月戊

戌詔以民入山鑿石路以泄藏氣敕有司檢察所言

絕如建武永平故事 桓帝永興二年二月癸卯詔

輿服申明舊令如永平故事 唐志建武故事三卷

永平故事二卷又漢建武律令故事三卷

紀光武建武元年即位告天地采用元始中郊祭故

事十三年詔曰漢家舊制丞相拜日封為列侯 章

帝元和二年五月戊申詔神爵甘露屢臻祖宗舊事

或班恩施其賜爵建初五年夏五月辛亥詔曰朕思

遲賢士及席異聞其先至者皆已發憤吐瀉略聞子

大夫之志矣皆欲置之左右顧問省納建武詔書曰

先試臣以職不直以言語筆札今外官多曠並可以

萬曆十六年 監生何士召刊

補任。列傳劉祐補尚書侍郎閑練故事。杜林議

郊祀曰祖宗故事所宜因循。伏湛拜尚書使典定

舊制。班固北單于求和固議曰建武之世復修舊

典宜依故事復遣使者。襄楷上疏永平舊典先請

後刑。袁安上封事曰漢故事供給南單于費直歲

一億九千餘萬西域歲七千四百八十萬。朱穆案

漢故事。中常侍參選士人。胡廣舊章憲式無所不

覽。李法上疏和帝以為朝政苛碎違永平建初故

事。李固對策曰梁氏子弟榮顯兼加永平建初故

事。殆不如此。清河王慶永元四年帝將誅竇氏欲

得外戚傳令慶求之。又令慶求索故事。濟北王壽

和帝遵肅宗故事兄弟皆留京師恩寵篤密。楊秉

言舊典中臣子弟不得居位。班勇上議宜復置護

西域副校尉。如永元故事。王允集漢朝舊事當施

用者奏之。蔡邕封事曰孝元策書曰禮之至敬莫

重於祭。又元和故事復申先典前後制書推心懇惻

馬融廣成頌曰刊禁臺之秘藏發天府之官常由質

要之故業率典刑之舊章。曆志孝章曆度審正宜

如甲寅詔書故事。通典漢魏故事皇太子稱臣

漢南宮故事 臺閣故事

列傳陳忠為尚書令前後所奏條於南宮閣上以為故事

鄭弘建初中為尚書令前後所陳有益王政者著之南宮以為故事

楊賜去位帝徙南宮閣錄故事得賜所上奏及侍講注籍

楊秉曰漢世故事三公之職無所不統黃香久習舊事和帝留為尚書

令文苑黃瓊隨父在臺閣習見故事及為尚書

僕射練達官曹左雄掌納言每有章表奏議臺閣

以為故事雄言案尚書故事無阿毋封邑之制

陽球補尚書侍郎閑達故事章奏處議為臺閣所崇信

酷吏樊準為尚書令明習故事謝承漢書明帝

條李壽前後所上便宜為南宮故事

前傳丙吉曰西河太守杜延年明法度曉國家故事

孔光曰竊見國家故事尚書以久次轉遷非有踐

絕之能不相踰越光領尚書守法度修故事

陳遵日出醉歸曹事數廢西曹以故事適之故事有百適

者斥注舊法令成帝詔尚書奏文帝時誅將軍薄

昭故事尚書閻章曉舊典

漢甘露故事石渠故事

見白虎通議

漢官禮儀故事尚書舊事見律令

應劭傳時始遷都于許舊章堙沒書記罕存劭慨然歎息乃綴集所聞著漢官禮儀故事凡朝廷制度百官典式多劭所立唐志應劭漢官五卷漢官儀十

卷中興書目今存一卷載補光武以來華嶠漢書應

奉著後序十餘篇子劭撰述風俗通等凡百餘篇

續漢書應劭著中漢輯叙漢官儀及禮儀故事凡十

一經百三十六卷朝廷制度百官典式所以不亡者

由劭記之

揚惲傳遷中郎將郎官故事今郎出錢市財用給文

書乃得出名曰山郎移病盡一日輒償一沐惲罷山

與按

郎移長度大司農以給財用其休謁洗沐皆以法令

從事蜀志孟光長於漢家舊典杜佑上壽樂議

引漢故事上壽四會曲

漢丞相故事見碎士四科馬將軍故事

馬援傳為伏波將軍所過輒為郡縣治城郭穿渠以

利民條奏越律與漢律駁者十餘事與越人申明舊

制以約束之自後駱越奉行馬將軍故事列傳原

忠上疏曰漢典舊事丞相所請靡有不聽何敬說

宋由曰二府以為故事三公不與賊盜楊秉上疏

云云尚書召對掾屬曰公府外職而奏劾近官經典

三

二

五

漢制有故事乎。秉使對曰：漢世故事，三公之職無所不統，尚書不能詰。前傳薛宣為相，府辭訟例不滿萬錢，不為移書，後皆遵用。杜欽建九女之制，太后以為故事，無有。

漢三輔舊事 禮儀風俗

韋彪傳扶風平肅宗建初七年，車駕西狩，行太常數

召入問以三輔舊事禮儀風俗。彪因建言追錄高祖

中宗功臣彪著書十二篇，號韋卿子馬援傳善述前

唐志故事類韋氏三輔舊事一卷

地理類始於三輔黃圖一卷，又有三輔舊事三卷

隋志地理類三輔故事二卷，晉世撰。武帝元鼎

二年春，栢梁臺師古引三輔舊事。昭紀始元元年

弄田，臣瓚引西京故事。弄田在未央宮中。儒林傳

石渠閣師古引三輔故事。班固傳注文選注皆引

之。唐禮志賈曾議引三輔故事，祭于圓丘。上帝后

土位皆南面。會要云三輔故事漢祭圓丘儀

漢蔡邕獨斷

蔡邕傳著獨斷勸學。書目二卷，采前古及漢以來

典章制度品式，稱謂攷證辨釋，凡數百事。其書間有

顛錯。嘉祐中，余擇中更為次序，釋以已說，故別本題

嘉靖丙辰年

新定獨斷 光武紀注引之

漢事

應奉傳注 見雜史

蔡邕傳馬日磾曰伯喈多識漢

事當續成後史為一代大典邕撰集漢事作靈紀及
十意又補諸列傳四十二篇 胡廣傳注漢雜事曰

群臣書四品 唐志故事秦漢以來舊事八卷 隋志

漢魏吳蜀雜史後漢雜事十卷

魏志注引魏武故事 班超傳注引西河舊事

晉故事 公卿故事

唐志晉太始大康故事八卷孔愉晉建武咸和咸康

典故

故事四卷 隋志晉咸和咸康晉建武以來故事三卷

隋志建武晉氏故事三卷晉朝雜事二卷 隋志同

諸雜故事晉故事四十三卷 隋志晉諸雜故事二十

二卷晉宋舊事一百二十卷 南史庾詵撰晉朝雜

事五卷 晉傅暢為公卿故事九卷 隋志傅暢公卿禮秩故

晉臺省故事

荀崧傳元帝時上疏武帝崇儒興學臺省有宗廟太

府金墉故事太學有石經古文 列傳裴秀創制朝

儀廣陳刑政朝廷遵為故事 刀協父在中朝諳練

舊事凡制度皆稟協 王隱父銓私錄晉事未就而

晉書行及下 晉書卷之二十一 晉書卷之二十一 晉書卷之二十一

卒隱受父業西都舊事多所諳究太興初令撰晉史
王導料檢中書故事見周顛表

唐故事十七家

志故事類十七家四十三部四百九十六卷始於秦
漢以來舊事終於王方慶南宮故事秦漢以來舊事
八卷武帝二卷建武永平五卷諸王奏事十卷而韋
氏之三輔舊事葛洪之西京雜記應劭之漢朝駁附
焉漢魏吳蜀舊事八卷魏名臣奏事訪議南臺奏事
摠四十二卷廷尉決事十卷晉泰始大康建武以來
故事雜議要事晉宋舊事華林故事名摠二百二十

典故

六卷又有交州中興伐逆陶公郗太尉及春坊舊事
而孔愉之建武咸康車灌盧緄張敞范汪之山陵八
王四王東宮尚書劉道奮之先朝溫子昇蕭大園之
梁魏應詹王愆期之江南襄陽上都武后之述聖紀
杜正倫春坊要錄王方慶南宮故事以至僧無名之
天正舊事附焉失姓名二十五家不著錄自裴矩烏
摠張齊賢盧若虛令狐德棻敬播而下及劉禕之張
大業王方慶李仁實謝偃陳諫終於丘悅涼公錄凡
十六家九十卷隋志舊事二十五部六典自漢
武故事等二十部四百四卷舊志列代故事四十

二家

中興書目

一百二十六家七百三十六卷

唐六典

志職官類六典三十卷開元十年起居舍人陸堅被
 詔集賢院修六典玄宗手寫六條曰理典教典禮典
 刑典政典事典張說知院委徐堅經歲無規制乃令
 毋賢余欽咸虞業孫季良韋述參撰始以令式象周
 禮六官為制十九年三月蕭嵩知院加劉鄭蘭蕭晨
 盧若虛張九齡知院加陸善經李林甫代九齡加苑
 咸二十六年書成下集賢院職察表賀至六年韋述傳張說既領集賢院薦述為直學士先

是

六典徐堅遺忘歲餘未成疑曰吾更修上書

而

歷年未有所適及蕭高之引述撰定始以今

式

象周禮六官官領其屬事歸於職規制遂定

知

章傳張說為慶正殿脩書使薦知章徐堅趙冬曦

入

院撰六典會要開元二十六年二月中書令張

九

齡撰六典三十卷成百官稱賀勅書今書已

大

要書三十卷歷十六年知院四人參撰官十二人

內

自省臺寺監外遺鎮戍嶽瀆關津上自三師三公

至

今丞曹掾簿尉員元二年定班序每班以尚書省

為

首及監察泚祭元和元年十二月高郢奏警嚴及

高郢奏警嚴及

牛僧孺奏升諫議為三品皆摺六典會昌六年九月
博士胡德章議案開元六典敕曰法以周官作為唐
與魏典為三編六典則下禮書兩省為先會要亦以
宋朝熙寧十年九月命劉摯等校六典元豐元年
正月成上之三年禁中鏤板以奉本賜近臣及館閣
官輦曰其本原設官因革之詳上及唐虞以至開
元其文不煩其實甚備可謂善述作者此書其前有
序明皇自撰篇首皆曰御撰李林甫等注第四一篇
則曰張九齡等奉敕撰書目皇朝趙氏訂正為唐
典傳對六卷

天禧二年正月庚戌中丞趙實仁請修國朝六典從
之五月安仁卒六典不及成崇寧元年六月二十九
日詔修六典亦不就見官名

唐政典此政記

志類書類劉秩政典三十五卷止文記七卷秩至德
劉秩傳著政典止文記至德初議計二凡數十

唐通典 理道要訣

志類書類杜佑通典二百卷 杜佑傳佑資嗜學雖
貴猶夜分讀書先是劉秩撰百家律六官法為政典

三十五篇房瑄稱其六過劉向佑以為未盡因廣其
缺參益新禮為二百篇自號通典奏之優詔褒美儒
者服其言約而詳會要百卷元十九年二月淮南節
度使杜佑撰通典二百卷上之其言凡九門敘食貨
十篇禮百篇樂七篇兵六篇刑七篇州縣十四篇
防十六篇識者知其必及三公輔之位端輿
賦南齊腹使社論進人通典食貨十二卷選舉
六卷職官十二卷禮一百卷樂七卷兵十五卷刑八
卷州縣十四卷邊防十六卷貞元十年表上神頌
撰典貞元十年表上神頌

僅得其六七 命宰臣提舉閣再歲乃成書

乾道中興會要

乾道九年七月自建炎初元續修成書二百卷八月
丙申右相梁克家等上之進呈於垂拱殿九月秘書
少監陳騏請名曰中興會要 自建炎元年至紹興三
十二年六月十一日

淳熙會要 嘉泰孝宗會要

初淳熙六年七月甲戌叶入進一百五十八卷十三
年十一月二十一日進一百三十卷紹熙三年十二
月壬寅進八十卷計三百六十八卷事雖備載而首

尾前後紛錯慶元六年閏二月二十五日祕丞邵文炳言孝宗會要三書統紀未壹願彙次為全書制曰可越明年嘉泰元年七月十一日書成上之凡二百卷藏于秘閣蓋比而同之者六百九十有二條刪而正者二千八十有七條潤色初緒凡三千八百十八條別門析類傳合者九芟煩者四增多四十有六事詳文省紀綱制度粲然有章序曰孝宗憲章前列又我受民驟帝馳王跨越周漢品式備具規摹宏遠詒謀垂範將億萬年天叙有典以正罔缺熙朝簡冊煒燁相望繼今立政立事其一以孝宗為準

會要

焉朱文公謂非古是今之書

唐理典

會要貞元十一年八月司業裴澄撰乘輿月令十二卷理典十二卷上之舊紀閏八月巳丑表上

唐典 聖典

志雜史類王彥威唐典七十卷儒家楊浚聖典三卷

校書郎開元中上天聖四年閏五月宋綬錄進會要大和二年

二月戶部侍郎王彥威以所撰唐典七十卷上之起

武德終永貞舊史王彥威集國初以來至貞元帝

代功臣如左氏傳體叙事號曰唐典紀開成二年二月戊申進

萬曆十六年 監生可士召刊

唐貞觀故事

會要神龍元年三月三日制書一事已上並依貞觀故事景雲二年七月置都督崔涖議曰貞觀故事足可依行

桓彥範傳神龍初對曰陛下龍飛下制云軍國政化並依貞觀故事

李翱傳條興復太平大略曰復高祖太宗舊制用忠正屏邪佞改稅法不督錢而納布帛絕進獻寬租賦厚邊兵數引待制官問以時事任骨鯁正直與之修復故事

陸贄奏議人到于今論理道之崇則必慕貞觀之故事

崇文目中朝故事一卷

唐貞觀開元故事

舊史蔣係曰憲宗嗣位之初讀列聖實錄見貞觀開元故事竦慕不能釋卷顧謂丞相曰太宗之創業如此玄宗之致理如此既覽國史乃知萬倍不如先聖先聖之代猶須宰輔同心輔助豈朕今日獨能為理哉自是延英議政晝漏率下五六刻乃退

官志元和四年集賢院學士直學士皆用五品如開元故事宣宗感章武舊事振拔元和大臣子孫

唐南宮故事

官卿舊事

天宮舊事

志故事類王方慶南宮故事十二卷又盧若虛三十

卷職官類王方慶官卿舊事一卷劉貺天官舊事一

卷雜傳記有劉餗國朝傳記三卷傳記凡一百九十事國朝舊

事四十卷集賢注記開元十九年三月盧若虛

入集賢院修撰博綜墳史尤明族姓撰南宮故事劉

蘭私撰南宮故事一卷南史梁丘仲孚為左丞撰皇典二十卷南宮故事一百卷

唐具員故事

志梁載言撰十卷書目具員故事七卷鳳閣舍人

梁載言紀唐朝官號歷代沿革事迹崇文目十卷三

卷今缺

唐翰林故事

典故

書目翰林故事一卷貞元二年學士韋執誼撰述貞

觀以來翰苑建置沿革記云自立此院連飛繼鳴者

逾三十人因以官秩名氏次叙為故事今是書名氏

皆缺翰林學士記一卷長慶元年韋處厚撰論得人

之意承旨學士院記一卷元稹撰記云以十一賢名

氏書坐隅今名氏皆缺崇文目翰林盛事一卷唐

張著撰記唐朝儒臣美事凡三十八

唐臺閣舊事

盧簡辭傳遷侍御史習知法令及臺閣舊事會要

景龍元年中書侍郎蕭至忠上疏臣見貞觀永徽故

事宰相子弟多居外職。李德裕曰：公卿子弟臺閣之儀不教自成。

唐元和故事

通鑑大中元年六月，知制誥令狐綯入謝，上問以元和故事，綯條對甚悉，上悅，遂有大用之意。

唐會粹

鄭虔傳：天寶初，集掇當世事，著書八十餘篇，有告虔私撰國史，虔焚之。虔追緝故書可誌者，得四十餘篇。國子司業蘇源明名其書為會粹。杜甫詩云：蒼葦叢會粹，泉貨類引之。唐百司舉要

典故

志職官類：李吉甫元和百司舉要一卷。元和八年二月宰臣吉甫

上書目一卷，取唐興以來百官名品，集成此書。

舊史纂六典諸職為百司舉要一卷，奏上之。

唐御史臺雜注

舊史杜易簡撰五卷。

唐文場盛事

書目一卷，不知作者，載唐人世取科策及父子兄弟門生座主同時者。

唐開元天寶遺事

書目一卷，五代唐王仁裕采摭前史不載者，凡一百

五十九條開元傳信記一卷鄭棨撰載開元天寶事
迹

唐故事稽疑

崇文目十卷

咸鎬故事一卷唐韋謹微撰纂長安自元日至除夜
朝廷慶賀事

唐會要

志類書類蘇冕會要四十卷

貞元中杭州刺史蘇弁與兄冕續國朝故事為

是書弁先聚書至二萬卷皆手自刊續會要四十卷正至今言蘇氏書次於集賢芸閣

楊紹復裴德融崔瑒薛逢鄭言周膚敏薛廷望于珪

于球等撰崔鉉監修

會要云大中七年十月左僕射崔鉉及修撰官楊紹復等賜物

有差中興書目云記德宗以後至大中六年事迹補蘇冕前錄之缺

建隆新編唐會要 五代會要

漢會要

建隆二年正月丁未司空平章監修國史王溥等上

新編唐會要一百卷

始於帝號終於夷狄文簡理備

太祖嘉之詔藏史館賜物有差

德宗時蘇冕始撰四

續四十卷至是溥采宣宗以降故事共勒成百卷又書目云起武德迄太和補蘇崔二書之缺國有大

政必溥又采梁開平至周顯德事蹟為五代會要三

十卷乾德元年

即建隆四年

七月甲寅上之掇君臣事迹

以類詮次詔付史館

嘉定四年九月徐天麟表進所編西漢會要七十卷
目錄二卷總爲十五門分三百六十有七事十一月
丁卯有旨藏秘閣三館看詳謂詳於西漢而略於東
都猶爲缺典寶慶三年六月天麟爲武學博士表進
東漢會要四十卷目錄一卷總十五門

宋朝龍飛故事

建隆遺事

書目龍飛故事一卷集賢殿大學士趙普紀載太祖
龍飛事迹建隆遺事一卷翰林學士王禹偁述太祖
事迹十四條洪祐纂太祖創業故事十二卷凡二
百三十七條不克上子興祖隨事著論訓釋又後錄

一卷附

乾德名臣事迹

乾德元年十月吏部尚書張昭上新撰名臣事迹五
卷詔藏史館

咸平續修通典

咸平三年十月監修國史李沆請命官續修通典已
未詔翰林承旨宋白知制誥李宗諤編修白等又請
命舒雅楊億李維石中立任隨同編修杜鎬檢討先
是淳化中命翰林學士蘇易簡與三館文學之士續
修此書會易簡等各泄官務尋罷至是復纂四年九

月丙戌書成白等上之凡二百卷目錄二卷詔藏祕
府命中使就秘閣張宴以勞之賜白等器幣起唐至
德初至周顯德末凡食貨二十選舉十二職官六十
三禮四十樂五兵十二刑十一州郡二十六邊防十
一時論非其重複不以傳布

景祐中書總例

元豐中書備對

景祐二年九月巳酉參政宋綬編修中書總例四百
一十九冊上之詔褒之呂夷簡奏爲此書皇祐五年

十二月續編二千六冊嘉祐三年閏十二月巳丑詔中
書五房編總例從韓琦請也六年參政歐陽脩與琦

會要

同心輔政凡兵民官吏財利之要中書所當知集爲
總目遇事不復求之有司元豐三年八月戊子檢

正畢仲衍奏周官冢宰歲終令百官府正其治受其
會而詔王廢置小宰受群吏之要宰夫以八職待王

之詔令可謂約而詳漢唐莫克議此故有錢穀決獄
不克對者創自虜意俾加纂集一本云元年閏正月

中書備對凡爲一百二十五門附五十八事分爲六卷事
目多者分上中下共爲十卷八月十二日庚子詔寫

一本納執政分令諸房揭貼上以此書乃臣備君問
不當奏御詔納執政大觀四年六月二十日命左右

司倣前制修書十一月右僕射張商英請編熙豐政事號皇宋政典戊寅置局尚書省書目中書備對十卷畢仲衍承詔編次國家內外官制諸道賦入禮儀法律等凡一百二十五門宰相吳充以聖問多出意表請爲此書

慶曆國朝會要 元豐增修五朝

天聖八年七月丁巳詔史官修國朝會要明道二年十月二月癸巳命參政宋綬看詳修纂康定元年四月己亥命綬同提舉編修景祐四年六月甲申命史館檢討王朱編修慶曆四年四月己酉修國史章得象上新修國

典故會要

朝會要一百五十卷

一本云編修官王洙纂建隆以來止慶曆二年凡八十五年

以編脩官王洙兼直龍圖閣賜三品服

制度沿革小

入畢錄會要止修至慶曆三年後事莫述 熙寧三

年九月十六日翰林學士王珪請續修慶曆四年以

後止熙寧三年

時編脩院修國史詔於崇文院修纂

仍詔增修至十年凡三十四年珪以舊書尚有遺

事所載頗多吏文因略加增損凡十二年乃成

一本熙

寧十年十一月戊子命李德芻陳知彥修會要於崇文院置局先是命王存林希

元豐四年

九月己亥宰臣王珪上之

表云禮樂政令之大綱

臣度朝廷施于蠻夷有闕討論無不載信置矩重規之盛便遺訓故實之求會訂之書舉綱撮要

續慶曆四年止熙寧十年通舊增損成三百卷總二

十一類別為八百五十五門文簡事詳紀載有法後

莫能及編修李德芻陳知彥遷秩一平云元豐四年八月二十五日進呈於延和殿

二十一類 帝系后妃禮分為五樂輿服儀制崇儒

運曆瑞異職官選舉道釋食貨刑法兵方域蕃夷

元符三年十二月甲辰徽宗詔秘書省修詔即秘書省置局命

王覲曾肇續編元豐至元符又詔起治平四年止崇寧

五年凡四十年二書皆弗克成 政和八年十二月

丁未有司獨上帝系后妃吉禮三類凡一百一十一

卷并日錄其書通章得象王珪所編稍益以熙寧後事

累朝已成之書通加刪改

皇朝衣冠盛事

錢明逸載建隆以來訖熙寧衣冠盛事一卷有景靈

宮五朝繪像功臣姓名附於後

紹興麟臺故事

唐韋述作集賢注記元祐中宋匪躬作館閣錄紹興

元年九月十九日秘書少監程俱上麟臺故事五卷

十二篇淳熙四年秋陳騫續為館閣錄十卷記沿革

省舍儲藏修纂撰述故實官職廩祿職掌宋程皆祖

錄後四卷俄空焉 紹興元年二月丙戌復秘書省

乾道續四朝會要

紹興三年四月，靜江守臣許中上政和重修會要一百十卷。九年，詔館職續編三十二年正月庚寅，上曰：會要乃祖宗故事之統轄，不可缺。宜自元豐後續為之。舊書分門有法，不必改。壬寅，命館職自元豐元年以後編次。乾道五年四月戊子，秘書少監汪大猷言：蔡攸所修，自元豐至政和吉禮，妄有刪改，欲再刪定，以續會要為名，從之。六年五月己未，宰臣虞允文上之，斷自神宗之初，訖于靖康之末，凡六十年，總三百卷，分二十一類，六百六十六門。綴集於散亡之餘十

典故會要

天禧二年正月庚戌，中丞趙安仁請修國朝六典。從之。五月，安仁卒。六典不及成。崇寧元年六月二十九日，詔修六典，亦不就。見官名

唐政典

此後記

志 類書類劉秩政典三十五卷止戈記七卷秩經總
標 劉秩傳著政典止戈記至德新議計二凡數十
篇

唐通典

理道要訣

志 類書類杜佑通典二百卷 杜佑傳佑資嗜學，雖
貴猶夜分讀書。先是劉秩擬百家傳六官法為政典

三十五篇房瑄稱其大過劉向佑以為未盡因廣其
缺參益新禮為二百篇自號通典奏之優詔褒美儒
者服其書約而詳會要言只元十九年二月淮南節
度使杜佑撰通典二百卷上之其書凡九門敘食貨
十篇禮百篇樂七篇兵六篇刑七篇州縣十四篇
防十六篇議者知其必及立公輔之位增賦射
誠雖職官十二卷禮一百卷樂七卷兵十五卷刑八
卷州縣十四卷邊防十六卷貞元十年表上神禩禮
撰以事計辨左補闕李翰字白凡八門勅成二百卷

慶元光宗會要

慶元元年十一月戊寅二時上太上會要統一百卷京
鏜等上自序熙己酉二月迄紹熙甲寅七月總二十
三類三百六十四門 禮樂兵財之大原儒術刑法
之更指取賢欵才之品式設官分職之制度九州之
別合四夷之叛服槩見於斯

嘉泰寧宗會要

嘉泰三年八月二十一日進今上 壽會要一百十五
卷嘉定六年閏九月二十七日進一百卷七年五月
十六日詔二年一具昔繳進十四年五月壬辰九日

進改正會要一百十五卷及續修一百一十卷
淳祐二年上寧宗會要

嘉定國朝會要

淳熙七年十月九日秘書少監汝愚言國朝會要續
會要中興會要今上會要分為四書去取不同詳略
各異請合而為一俾辭簡事備勢順文貫從之
將
作少監張昞祖類輯會要自國初至孝廟為一書凡
二百二十三冊五百八十八卷嘉定元年四月十六
日詔秘書省寫進三年六月十六日上之
自昔帝王之興必有一代之制著在方冊作則垂憲

若夫國有大典朝有大疑於是稽以為決操以為驗
使損益廢置之序離合因革之原不待廣詢博考一
開卷而盡見此會要之書所以不可廢也
會要之
書典故盡在所以彌縫律令之闕相為表裏

堯舜聰明之君也首曰若稽古湯齊聖之君也而曰
率厥典書至高宗始言學而曰監于成憲詩至成王
始言極治而曰率由舊章道問學而咨故實有自來
矣漢魏相奏漢興以來詔書二十三事唐憲宗詔李
絳等搜次君臣成敗五十事懿我國朝以百代為元

龜以烈祖為寶鑑前朝事近於治道者詔儒臣日進
五條慶曆故事也本朝事關治體者輪侍從日進一
兩事建炎故事也王弗進楚令尹定國是之議洪适
進仁宗朝久任監司之說乾道間故事也

玉海卷第五十一

